

Consul Dominicano na Aruba, sra. Joseline Rosario De Rosa

Construccion di Plaza Juan Pablo Duarte ta un esfuerzo colectivo y muestra di perseverancia



ORANJESTAD – Diasabra atardi, Consul Dominicano na Aruba, sra. Joseline Rosario De Rosa no por a sconde su emocion grandi di por aprecia y inaugura e bunita obra di e plaza na honor di e Tata di Republica Dominicana, Juan Pablo Duarte, den pleno curason di Oranjestad.

E diplomatico a gradici tur funcionario y personanan tanto local como di Republica Dominicana cu a contribui pa e plaza aki lo por a bira un realidad. Consul Rosario De Rosa a cualifica e hecho aki como "un momento memorabel"

den e trabou habitual di e Consulado Dominicano na Aruba.

"Ora cu nos ta wak e testimonio Duartiano den e chikito pero significativo espacio di tereno cu gentilmente a duna nos e pueblo Arubiano dor di nan autoridadhan tin un gran transcendencia pa e gobierno y autoridadhan di Republica Dominicana...", asina e diplomatico a bisa.

Den su discurso, e diplomatico a laga sa cu e ideanan lo por ta bon ideanan, pero pa nan lo por bira den proyectonan tangibel

E diplomatico Dominicano, sra. Joseline Rosario De Rosa, a gradici tur funcionario y personanan tanto local como di Republica Dominicana cu a contribui pa e plaza aki lo por a bira un realidad.

tin cu haya e calor di gruponan di persona cu dor di nan entusiasmo y esfuerzo ta pone nan cana. "Y esaki ta local a sosode cu e plaza Juan Pablo Duarte", asina el a bisa.

Den su elocuente discurso e diplomatico Dominicano a manifesta cu e plaza cu a ser inaugura diasabra atardi cu e number di e tata fundado di Republica Dominicana, Juan Pablo Duarte ta "un esfuerzo colectivo, un muestra mas di per-

severancia, no solamente di e hende homber y e hendenan muhe cu ta traha den e Consulado General, sino un ehemplo di colaboracion cu e autoridadhan di e bunita isla aki". Consul Rosario De Rosa a menciona di forma masha special na e Gobernador di Aruba, sr. Fredys Refunjol, Prome Minister di Aruba sr. Mike Eman, Minister di Infraestructura sr. Benny Sevinger y tur su assistentnan cu a contribui grandemente pa logra concretisa e obra aki.

El a termina su discurso bisando cu un acento Dominicano masha marca: "Señoras y señores, esta plaza es un ejemplo de que los Dominicanos unidos, e pa lante que vamos, muchas gracias...."

Igualmente Consul Dominicano a haci entrega di un plakkaat como un gesto di aprecio y gradimento na diferente persona cu a contribui pa e plaza aki lo por a bira un realidad. □